


思州府志



思州府志序

蔣君樹存以才薦纂書

武英殿出知餘慶縣縣無

志君窮搜博考創為一

書復奉檄護理思州府

思州府志

張序

一

事按前知府平湖陸君

志藁載徵舊文詢遺老

臚為八卷彬彬足觀矣

皇朝文教誕敷開館修志各

省府州縣多有紀載貴

州僻處南服戶雜民苗
田少百貨不至官茲土
者俸入不足供皇皇終
日其地罕好事學古之
材即有之亦莫與游文

思州府志

張序

二

學之不講志之不修大
受奉

命司學於茲俯仰山川今昔
觀風考俗欲采而証之
奚所從焉思州介在黔

楚自明初廢宣慰司設
府城郭學校官廨人物
粲然具在

聖天子戡亂撫遠蠲租設科
此州密邇辰沅漸德尤

思州府志

張序

三

親倘紀載不脩史無所
稽太守不稱職君實滋
懼夫居官者百事紛其
心無暇力為此其人可
知也為此事而素非汲

汲古文未嘗折節交賢
士案無書座無朋友見
聞之陋其事不克成也
蔣君所至以志為蒞
思不及半年而起例別

思州府志

張序

四

類仍舊增新美哉煥乎
改蠻州之耳目昭
聖代之文章金馬之英出而
司牧與俗吏迥殊大受
得藉此徵訪圖書上獻

冊府使命不辱君亦與
有力哉弁其書胡不喜
也康熙六十一年歲在
壬寅秋九日
賜同進士出身


思州府志

張序

五

敕授文林郎翰林院檢討加
一級

欽命提督貴州學政嘉定張
大受書於鎮遠使院



思州府志序

嘗攷黔志大事紀鎮石銅黎
思南之疆域其先俱隸思州
思州幅員遼濶幾有下游之
過半厥後分析郡縣僅存四

思州府志

陳序

六

司所謂其細已甚民不堪命
者也以故史乘不備紀載缺
如朴僊相仍由來舊矣雖然
邶鄘亦登國風曹滕莒薛春
秋亦列盟會可以小而鄙棄

之乎前刺史陸公孝山曾有
思暘郡志 網羅抉剔頗
費匠心無何以疾告休去未
竣厥事越三十餘年元來守
是邦冀績陸公未竟之志而

思州府志

陳序

七

百憂填胷欲舉輒輟壬寅憂
予奉

召入都長洲 蘇齋蔣君 署

理思篆慨然於思郡之未
志也奮筆創為之摺摭博

毋漏毋濫兩越月而綱目畢
舉夫以予之荏苒七年有志
焉而未逮者蘇齋下車甫
兩月而經營慘淡儼成一郡
之全書人之度量相越豈不

思州府志

陳序

八

遠哉蘇齋蚤歲即簪筆

彤庭方輿一統之志俱預校定

茲出為外吏而以其緒餘為

郡志為小郡志譬諸

宋人有之藥者大

之可以封小之亦足以資洪
漕統隨所用而皆然也

康熙壬寅秋八月

賜進士出身

勅授中憲大夫知貴州思州府事

陳序

調補銅仁府知府姚江陳元

拜撰



思州府志序

吏於黔而思著述迂矣署篆
而思創從前未有之書不更
迂且愚耶雖然身為儒吏而
當邊徼蕩平日久深也又荷

思州府志

序

十

承

天寵授簡纂修趨走

殿廷數年出宰餘慶亦旣創修邑

志今奉檄護理思郡而可使
掌故無聞輶軒弗採乎且思

州之名最古宋元以前俱隸
楚南明永樂改宣慰司為府
其路咽喉於滇黔其界交錯
於銅黎鎮石轄無州縣僅置
四司地雖蕞爾然考之城郭

思州府志

序

十一

賦役學校兵防盛衰興革紛
更靡定前府澠山陳公有志
搜輯值調守銅仁以陸公孝
山志稿授余商訂予讀竟而
喜喜其志之有權輿而轉惜

義例之稍紊網羅之未盡也
爰於案牘之暇每至焚膏繼
晷冥搜博覽又證之父老見
聞不三月而缺者補訛者正
條分縷晰三益其二設有采

思州府志

序

十二

蠻風而入貢者可以上考政
治之得失下敬民苗之好惡
不必諮諏瞭若指掌庶幾夙
興夜寐不負上官任使之
盛心更可藉以仰荅

聖天子誕敷文教之治焉或有譏
我以代庖之人而為越俎之
事此事可已而不已費可省
而不省其為迂愚也固矣

康熙六十一年壬寅秋九月

思州府志

序

十三

武英殿纂修

特授文林郎知餘慶縣事護理思

州府篆蔣深書于郡署之優

則軒



思州府志序

夫志猶史也惟能具良史才出其
餘以為郡邑志即為良志矣 蘇
齋先生以宿學茂才於康熙甲申
歲被薦稱

旨懷鉛握槧待詔十年而出宰黔之
餘慶不二載政肅民和龍門劉大

思州府志

黃序

十四

中丞即登之上考列之薦剡簿書
之暇因出良定才纂修邑乘其時
護撫白公觀察王公叅議汪公見
而稱嘆咸製序弁首思州郡伯滸
山亦適晤先生於會城適館談心
因握手而謂先生曰思州開闢最
先而郡志闕如前守陸公孝山雖

曾著思暘志畧而其意議在改府
為州且恐蒐羅之不博故不名曰
思州府而曰思暘不直各曰志而
曰志畧安得如君大手筆共訂校
讎以補陸公所未逮乎先生謙讓
而未應也未幾兩次軍需供億征
調不遑從事邇者澣山先生調任

思州府志

黃序

十五

銅仁 上官簡賢署理郡事適
蘇齋先生奉檄而至至而清靜寧
謐行所無事因憶澣山先生夙約
不敢忘也取陸志為權輿條分縷
晰較若列眉更於學校兵防人才
節孝諸大事尤究心焉故脩稽典
秩以待修舉博考關隘以重禦防

見人才之奮起舉念而切緇衣之
好嘆節孝之顯著載筆而興華袞
之褒至於藝文一志不特前賢之
尺璧備陳即時輩之寸長必錄較
陸志更為精核詳慎矣於是空谷
發天籟之聲溱室覩容光之照山
郡之烟瘴盡掃參井之寒芒不又

思州府志

黃序

十六

中天色正耶計揮毫之始迄排卷
之成僅閱三月雖仙才風發易若
弄丸孰如先生以良史之才體國
之忠成人之美精神貫注固不待
曠日持久而後成也穀半段寒氊
棲遲七載未及旦暮歸里門而幸
躬逢先生良志之成大有造於思

郡也敢搦管而述所見聞以誌不
朽

康熙壬寅八月思州府學教授黃
嘉穀拜手撰

思州府志

黃序

十七

思州府志序

自兩漢有地里志郡國志後世郡
邑之志因之而作國史採之為寰
宇記九域志等書蓋郡縣之志所
繫重矣今 署郡伯蘇齋先生大
雅宏達久已珥筆承明金馬著作
之庭纂修方輿諸書迨奉

思州府志

田序

十八

天子命出宰黔之餘慶不兩年政通

民龢日以休暇爰有縣志之裛其
書已與青螺山薑兩先生黔記黔
書並重荒裔矣邇者我思州郡伯
澣山先生調任銅江上官推公才
守檄護郡篆公甫至即慨然於郡
志之未有成書也輒奮筆為之予

惟思州為禹貢荆梁之界春秋時
莊躋畧定已隸楚之西境秦漢三
國或為黔陽或為丹陽至思州之
名見於唐宋至元且千餘年即郡
治之建自明永樂迄今亦歷三百
餘年而郡志缺如是使版輿內地
等於玉斧所截之外也良足憾已

思州府志

田序

十九

先是當湖陸公孝山守郡時有思
暘志畧之纂書未竟引疾以去逮
澣山先生屢謀纂輯而亦未果庸
詎知夫山川面目發皇有時人物
文章彪炳有日以前此之荒陋千
百年有目從未覩者乃今於先生
來而一旦創見之以前賢之荏苒

數年有志尚未逮者乃今先生以
代庖之暫不三月而驟成之雖古
所稱良史木其何以加之哉然志
爲思郡而作而余平清兩衛以學
歷係黔屬亦得附載其中言必傳
信事皆徵實吾知今日所成爲郡
志而他時上於輶軒採之國史其

思州府志

田序

二十一

爲思郡三學之幸豈淺鮮哉予辱
先生芻蕘之詢得預校讐爰僭言
書其簡端聊以慶後生未學之遭
云

康熙六十一年八月中秋後一日
平江治下後學田榕拜手謹撰



思州府志

凡例

一思州府舊志畧一册康熙二十三年知府陸世楷孝山公纂輯未梓考其志叙云前明崔公彥俊蔡公懋昭俱有紀載散軼無存況今又幾四十年文獻無徵無足異者壬寅歲夏^深奉^深上憲檄護郡篆因不辭固陋將^深數年在黔網羅舊聞更博詢遺老考定纂入較陸志已增十之六七庶免掛漏而陸公創始之功不可泯也

思州府志

凡例

一

一思當黔頭楚尾為滇黔門戶區域雖小固一要地也星野沿革形勢山川關梁陸志載之審矣至風俗有漢苗之不同古蹟有增廢之不一博詢得實以補未脩

一服官茲土其姓名籍貫以及視事之年月陸志起自永樂至崇禎悉未詳載仍舊通志也^深所增本朝仕宦考索頗詳間有闕疑無從質詢至設武備以保障置土司以佐理而又隸三學以振興文教一時棠陰口碑即可千秋俎豆故通

判推官吏目雖裁必書而仍以名宦冠其首亦
欲樹芳聲而勸後也

一城池甫建學校是亟秩祀之位以及祭器樂器
歌章例應備載而陸志畧之豈遐荒學校可不
講明而詳習歟深詳搜故實以存制度庶後之
君子有志修明亦可取為則儆焉

一戶丁以編審為定田賦以見年奏銷為準前明
賦役繁重附載於前俾知昔多今寡以見

本朝寬征至意而物產條列市場添設遊斯土者見

思州府志

凡例

二

其民豐物阜當不復生鄙糞之心矣

一科目之興隸斯郡者固不可復移惟平清兩學
隸楚隸黔紛更不一苟不晰載去留年月不足
考信而垂後今既詳載於學校復分注千里選
聲然醒目矣

一人物首列鄉賢重名義勵人才也孝節之行凡
府治所屬不論士民例得類書蓋郡志以郡為
主詳之不得不詳若平清兩衛則地隸於楚學
歸於思必其人其女之夫出於學校者方為採

入其有節行已為楚中上宮題達者不敢濫收
盖地非黔屬畧之不得不畧也

一事變一紀原於志體未合但郭中丞作黔紀另
列大事記一冊陸既倣而行之何以自唐宋元
以來諸事竟不一載乎今考通志以補於前復
採故老傳聞以增於後總不敢滋臆而失實
一藝文大者關乎一郡之典章興革其次或以紀
事或以傳人又其次而流連山川風土咏物懷
人情有萬端體不一致陸志未遑博採多附已

思州府志

凡例

作深於古今載籍有關黔事者日夕究心如江
南歸震川有光朱竹垞彙尊汪鈍翁琬尤悔菴
侗許竹隱虬以及平溪鄭天虞逢元許直菴之
獬諸先生之作皆廣為搜取列入志中若古之
人先獲我心早已為思志而作可見文章會合
亦有氣運但無關於思郡者終不敢濫人也
一八志綱目之名半從陸志獨名宦一志實與本
地人材有別陸志附之人物今改釐職官從其
類也兵防昔無今設控制一方儼同重鎮陸志

編入賦役亦失義例今更改歸建設庶免舛錯
又陸志畧未經載入郡圖通志中所繪郡署位
列南向今查坐西朝東并改正焉

一鳩工昉於九月成於十一月書分八卷二百九
十餘篇先是工資無措蒙 督學院張首為倡
捐前府陳樂捐十分之二遊府薛及屬弁李劉
俱忻然助捐紙費其有始雖願捐而復中止者
不必相強深仍勉力刻竣其板藏諸府庫扃以
木櫥後之覽此志者知成功之不易去

凡例

康熙六十一年壬寅冬月長洲蔣深并識

思陽志畧舊序

陸世楷

郡邑之有志猶列國之有史也列國之史兼載諸國之事故春秋二百四十二年之間會盟征伐冊不勝書若郡邑之志例不旁及則所載之事固無幾矣此詳畧之所由分也然自數千百年以來一郡之事亦或可埒於史而思州於明初置郡迄今歷三百餘年事之可載者更無幾矣此他郡之志難於畧而思州之志難於詳又時與地使然也夫詳與畧亦各成其志耳雖然史非一人所能作也

思州府志

舊序

五

必合諸家之史而後成其全史志亦非一時所能修也必集累編之志而後成其新志若遠無可稽近無所據面徒謬引傳聞妄憑臆見雖附會成書烏足信後人乎所以文獻無徵則不言夏殷之禮諸侯去籍亦不能詳爵祿之班耳歲甲子

天子留意方輿命省郡各繪圖以進且悉其境內之名山大川焉余因搜訪舊志將取而續之奈喪亂之後故家遺俗典籍蕩然求明初崔公彥俊所進志畧及萬曆年間蔡公懋昭所葺新舊合志已渺

不可得即近歲陳公龍巖所草志稿僅存紀載建置輿圖三卷又詳其所畧而畧其所詳未可據以成編丙寅秋奉太中丞慕公復有修志之檄幸明經鄒子繼聖於省覓寄通志全部乃仍其編次稍為增益遂成志畧八冊庶一郡之事有所考証不致疑信相參焉耳或謂省志宜畧而郡志宜詳今因省志以成郡志毋乃太畧夫求其詳而不得若以為畧而併置之則終無志矣姑存是編以俟異日有潤澤之君子而加詳焉余其敢居草創之功

思州府志

舊序

六

也哉

思州府志

序文

凡例

郡圖

卷之一

區域志

星野

沿革

分界

形勢

山川

關梁

風俗

古蹟

卷之二

職官志

名宦

文叢

武統

土司

思州府志

目次

七

卷之三

建設志

城池

學校

公署

坊表

祠祀

兵防

驛舖

丘墓

亭館

寺觀

義學

射圃

卷之四

賦役志

里甲

戶丁

田糧

支給

積貯

租賦

市場

物產

卷之五

選舉志

進士

舉人

貢生

監生

卷之六

人物志

鄉賢

孝義

隱逸

列女

仙釋

卷之七

事變志

思州府志

目次

八

事紀

災祥

卷之八
上
下

藝文志

諭告

疏

狀

序

記

議

考

墓誌

傳

文

示

賦

詩

啟

書


圖說


先王體國經野必詳於幅員廣隘雖土田不無相錯而四封之境固莫得而紊矣思州自明永樂分壤設郡疆圉甚隘而東西南北隅向亦不可不指掌瞭然因綴繪事內而四司轄屬外而黔楚郡衛分界以及山川關隘漢苗所在歷歷可數庶仰遵聖朝輿圖所載固不遺於彈丸也作圖說

思州府志

圖說

九





思州府志

圖

十